

Cyng. Annwen Hughes, Cadeirydd
Cyngor Gwynedd
Stryd y Jêl
Caernarfon
LL55 1SH

Ein cyf: MC2019/00213

Chwefror 2019

Annwyl Annwen

Diolch am eich llythyr dyddiedig 7 Ionawr, am bryderon Cyngor Gwynedd yngylch ymadawiad y DU o'r UE. Rwyf yn ymateb ar ran y Prif Weinidog.

Ers 2010 rydym wedi gweithio'n galed i adeiladu economi cryfach a thecach – yn ymdrin â'r diffyg, helpu pobl i mewn i waith a thorri trethi i bobl, teuluoedd a busnesau. Y tu hwnt i hynny, mae 3.3 miliwn yn fwy o bobl mewn gwaith ers 2010, mae cyflogau go iawn yn cynyddu ac rydym wedi buddsoddi dros hanner triliwn o bunnoedd mewn isadeiledd.

Ymhellach, rydym wedi torri trethi i gefnogi buddsoddiad mewn busnesau a diwygio addysg dechnegol. Mae datblygu ym mhob rhanbarth o'r DU, yn cynnwys Cymru, yn hanfodol i barhau â'r tueddiadau hyn.

Dyna'r rheswm ein bod wedi gweithio, er dros ddwy flynedd, i gyflawni cytundeb sy'n caniatáu i ni barchu'r refferendwm a gwireddu cyfleoedd Brexit. Rydym eisiau gadael yr UE mewn modd llyfn a threfnus gyda chytundeb sy'n gwarchod ein hundeb, sy'n rhoi rheolaeth i ni o'n ffiniau, ein cyfreithiau a'n harian, ac sy'n rhoi polisi masnachu annibynnol i ni.

Polisi'r Llywodraeth yw ein bod yn gadael yr Undeb Ewropeaidd ar 29 Mawrth ac rydym wedi bod yn glir iawn na fyddwn ni byth yn derbyn ail refferendwm. Pleidlieisiodd pobl Prydain i adael yr UE yn yr hyn a oedd yr ymarferiad democrataidd mwyaf y mae'r wlad hon erioed wedi bod drwyddo, a dyna fyddwn ni'n ei wneud am 11pm ar 29 Mawrth. Byddai gwadu cyfreithlondeb neu lesteirio canlyniad y refferendwm yn bygwth ymddiriedaeth y cyhoedd yn ein democratiaeth.

Mae cyflawni'r cytundeb a negodwyd gyda'r UE yn parhau'n brif flaenoriaeth i'r Llywodraeth. Fodd bynnag, rydym yn gwneud y peth cyfrifol ac yn prysuro paratoadau 'dim cytundeb' er mwyn sicrhau bod y wlad wedi'i pharatoi ar gyfer pob posibilrwydd.

Bythefnos yn ôl, fe wnaeth y Senedd wrthod y Cytundeb Ymadael a'r Datganiad Gwleidyddol arfaethedig yn glir, gyda dim ond 202 o ASau yn pleidleisio o'i blaid. Bellach, mae mwyafrif o ASau wedi dweud y byddent yn cefnogi cytundeb gyda newidiadau i'r *backstop*. Mae'r Llywodraeth yn awr yn ymgysylltu â'r UE ynghylch sut y gallwn roi sylw i farn y Senedd. Fel y dywedodd y Prif Weinidog, rydym yn cydnabod nad oes fawr o ddymuniad am newid o'r fath yn yr UE, ac ni fydd negodi hyn yn hawdd. Fodd bynnag, yn wahanol i bythefnos yn ôl, mae'r Senedd wedi'i gwneud hi'n glir beth mae ei angen i gymeradwyo'r Cytundeb Ymadael hwn.

Hefyd, dywedodd y Prif Weinidog yn y Senedd ar 29 Ionawr, y byddwn yn dod â chytundeb diwygiedig yn ôl i'r Tŷ am ail bleidlais ystyrion cyn gynted ag sy'n bosib. Os na fyddwn wedi dod â chytundeb diwygiedig yn ôl i'r Tŷ erbyn dydd Mercher 13 Chwefror, byddwn yn gwneud datganiad ac, eto, yn gosod cynnig y gellir ei ddiwygio i'w drafod y diwrnod canlynol.

Y ffordd orau ymlaen yw gadael mewn modd trefnus gyda chytundeb da. Mae hi'n bwysig bod y Llywodraeth yn canolbwyntio ar sicrhau partneriaeth newydd gyda'r UE sy'n sicrhau ein ffyniant yn yr hir dymor.

Diolch am gymryd yr amser i ysgrifennu atom a gobeithiaf fod hyn yn lleddfu eich pryderon.

**KWASI KWARTENG AS
IS-YSGRIFENNYDD GWLADOL SENEDDOL
DROS ADAEL YR UNDEB EWROPEAIDD**